



Zaria: koru eskola baten sorrera Erreenterian

ZARIA KORU ESKOLA

Zaria koru eskola bere izenak erakusten duen moduan, abesbatza alorreko hainbat atal lantzeko aukera ematen duen eskola da. Erreenterian sortu zen 2015eko irailean eta orduz geroztik, haur, gazte eta heldu askoren topalekua da, kantuan ongi aritzeko behar duten guztia ikasteko topalekua, hain zuzen. 2015eko irailaren 7an inauguratu zen bere egoitza, Erreenteriako Segundo Izpizua kaleko 3.ean.

Zaria Erreenteriako punturik altuena da (635 metro) eta izen bera du Egunsentiaren Jainkoak eslaviarren mitologian. Hortik hartu du koru eskolak bere izena, abesbatzen munduan egunsentiaren lehen eguzki izpiekin batera, aldapan gora abiatu berria, kantuen gailurrera iristeko asmoz.

Zuzendari eta irakaslea

Imanol Elizasuk zuzentzen du eskola eta bertako irakaslea da; eskarmentu handiko zuzendaria da eta oso irakasle trebea haur, gazte eta helduei barruan duten onena ateratzen. Gabriel Baltes irakaslearen ikaslea izan zen koru zuzendaritza

espezialitatean Musikenen eta lehiaketa eta jaialdi askotan izan da haur eta gazte koruak zuzentzen Katalunian, Espainian, Txinan, Frantzian, Erresuma Batuan eta Alemanian besteak beste.

Piano-jotzaile aparta da eta kontzertu asko emateaz gain, koruak eta era guztietako bakarlarriak lagundu ditu, kantariak, musika-tresna joleak eta abar. Ez da harritzekoa, kontuan hartzen bada, Maruxa Llorente, Cristian Ifrim Bartzelonan eta Albert Jimenez Atenelle bezalako irakasleak izan dituela. Maciej Pikulski izan zen piano laguntzaile arloan sakontzeko asmoz izan zuen ospe handiko beste irakaslea. Londreseko "Ghildhall School of Music & Drama"ko piano interpretazio titulua eskuratu zuen, ohorezko sariarekin.

Baxu-baritono bikaina da eta bada, seguru asko, alderdi bat bereziki nabarmentzen dena berak zuzendu dituen koru guztietan: ahotsaren emisioa. Berak lantzen dituen koruek soinu berezia dute kantatzean, arreta bereziki erakartzen duen soinua. Agian kantuan bere maisua izan zen Juan Erasoren ukitua antzeman liteke. Horretaz gain, ahots kontzertu asko eman ditu Dúo del Valle taldearekin, edota Région



Imanol Elizasu 2015eko Erretereriako
Gabon Lehiaketako Zariatxo
Abesbatzaren lehen urrezko saria jasotzen



Zariatxiki Abesbatza 2015eko Santa
Zeziliaren omenezko emanaldian kantuan



Zariatxo Abesbatza Erretereriako Fatimako elizan, 2015ean

Bayonne-Côte Basque Orkestrarekin, edota Laetitia Casabianca, Didier Boiture, Valérie Fayet, Michel Sendrez bezalako zuzendariekin. Baionako Kontserbatorioko ahots emisio irakaslea izan da 2010 arte.

En Zaria Koru Eskola, los ejes fundamentales de una educación musical de calidad son la emisión vocal, el conocimiento del lenguaje musical a través del canto y los diferentes ámbitos de la disciplina coral.

La calidad y exigencia no están reñidas con el disfrute y la diversión. El trabajo, la disciplina y la formación se integran en una actividad completa, amena y divertida. Conciertos, recitales, intercambios, concursos, talleres corales, actividades interdisciplinares nutren la actividad de Zaria Koru Eskola. Y en toda esta intensa actividad están continuamente presentes valores como la disciplina, autoestima, solidaridad y respeto.

Parte-hartzaileak

Zazpi urtetik 50 urte eta gehiagora arteko ikasle eta kantariak osatzen dute koru eskola, bost talde-tan banatuak:

- Zaria Txiki, 7 urtetik 10 urtera bitarteko haurrak.
- Zariatxo, 11 urtetik 15 urtera bitarteko neska-mutilak.
- Zariagaz, 16 urtetik aurrerako gazteak.
- Zaria Abesbatza eta Zaria Ensemble helduen abesbatzak.

Orain arteko emanaldiak eta kontzertuak
Ugariak dira dagoeneko bere ibilbide motzean eman dituen kontzertuak eta emanaldiak, guztiak arrakasta handikoak: 2015eko azaroan 21ean, Santa Zeziliaren bezperan Erretereriako Fatimako elizan hasierako kontzertu handia.

- 2015eko azaroaren 28an, Zaria Koru Eskolako aretoan, **Médicos sin fronteras erakundearen alde “Mugen gainetik, Borrando fronteras”** emanaldia. Bertan ondoko artista hauek hartu zuten parte: Maider Ronquete, sopranoa; Hodei Gabino, kantu flamenkoa; Oscar Portugués, gitarra; Aitor Galdos, flauta; Imanol Elizasu, pianoa.
- 2015eko abenduaren 19an, Erretereriako Aita Kaputxinoen elizan, Gabon Kontzertua.
- 2015eko abenduaren 22an, Erretereriako Niessen Kulturgunean.
- 2015eko abenduaren 26an, Ereintza Elkar-teak urtero antolatzen duen Gabon Abesti Sariketa Probintzialean. Zariatxok urrezko

domina eta Zaria Txikik zilarrezkoa irabazi zituzten, hurrenez hurren.

- 2015eko abenduaren 27an, Zariatxok eta Zariagazek Legazpin kantatu zuten goizean eta arratsaldean, Zaria Ensembled eta Zaria Abesbatzak Zorroagako elizan.

Zaria eta Zariagaz Abesbatzak Donostiako Zorroaga elizan 2015eko abenduan 2016ko urtarriaren 4an, Imanol Elizasuk 60 hurrek osatutako koru tailerra zuzendu zuen Urretxun eta ondoren, bertako San Martin de Tours elizan kantatu zuten Zariatxo koruarekin batera.

- 2016ko apirilaren 3an, Zaria Abesbatzak Ejea de los Caballerosko sona handiko koru lehiaketan parte hartu zuen. Laugarren gelditu zen 79,875 punturekin, 3. postutik oso hurbil.
- 2016ko apirilaren 16an, Imanol Elizasuk Bortzirietako eta Baztango 100 hurrek osatutako koru tailerra zuzendu zuen Lesakan eta ondoren, bertako elizan kantatu zuten Zariatxo koruarekin batera.
- 2016ko apirilaren 17an, Zaria Txikik eta Zariatxok Zorroagan parte hartu zuten.
- 2016ko apirilaren 24an, Zariatxo eta Zariagaz Niessen aretoan, "Bizikidetzarako zubiak eraikiz ekitaldian".
- Maiatzaren 1ean, Iztieta San Jose elizaren 50. urteurrena, 12:00etako meza nagusian abestu zuen Zariatxo abesbatzak.
- Maiatzaren 4an, asteazkena, Zaria Txikik Erretereriako Maria Madalena basilikan 17:45ean emanaldia izan zuen Gamon ikastetxeko ikasleekin batera eta "Abesbatza eskolan" proiektu barruan landutako kantak eskaini zituzten.
- Maiatzaren 11n, asteazkena, Zaria Txiki abesbatzaren emanaldia Erretereriako Maria Madalena basilikan 17:45ean Koldo Mitxelena ikastetxeko ikasleekin batera eta "Abesbatza eskolan" proiektu barruan landutako kantak eskaini zituzten.
- Maiatzaren 16an, Zariatxo eta Zariagaz Erretereriako Aita Kaputxinoen elizan, Erretereriako Jubilatuen elkartearen emanaldi aste berezian, belaunaldi desberdinen arteko proiektuaren barruan.
- Ekainaren 18an, Erretereriako Basilikaren Lagunak Kultur Elkartea antolatua, Maria Madalena basilikan emanaldia, Zariatxo eta Zariagaz abesbatzen eskutik.



Zaria eta Zariagaz Abesbatzak Donostiako Zorroaga elizan 2015eko abenduan



Zaria Abesbatza Ejea de los Caballerosko lehiaketan 2016ko apirilean

- Ekainaren 22an, "Harresirik gabeko lurraldeak" lantaldearen alde, Erretereriako Aita Kaputxinoen elizan ikasturte bukaerako kontzertua, Zaria koru eskolako talde guztiekin.
- Uztailaren 4tik 11ra, Zariagazek Schondorfen (Alemania) Versöhnungskirche eta Plüderhausen-eko Theater hinterm Scheuern-tor-en bi emanaldi eskaini zituen eta Max Planc Gymnasiumeko abesbatzarekin koru tailerra landu zuen.
- Uztailaren 20an, madalenetako pregoi kontzertuan Zaria eta Zariagaz abesbatzak.

"Abesbatza eskolan" ikastetxeetan koru kantua lantzeko programan parte hartu du eta Zaria Txiki Abesbatzak Bizarain, Gamon, Koldo Mitxelena, San Jose - Hijas de la Cruz, eta Telleri ikastetxeetako ikasleekin batera (300 ikasle inguru) eman ditu kontzertuak 2016ko maiatzean zehar.

Ilusioa eta gogoia ez zaizkie falta. Horri guztiari egiten duten lana erantsita, koru eskolak arrakasta segurua du. Zorionak Zaria! Eta guztiok goza dezagula.